

Tutu ñanoó n̄tāa taJuan ña ti'ví ra kua'an nda'a n̄ivi na kándixa Jesucristo

Ñayó'o ká'an xa'a To'on Ndios, ña kúu Jesucristo, taa ta kúu ndee ña táxi ndino'o kutaku n̄ivi

¹ Nañani yó xí'in náki'va yó, vitin ká'an ndi xí'in ndó xa'a taa ta xa táku nda on ta'an kixá'á koo kivi noó. Ta m̄i ndi, x̄ini so'o ndi to'on ña n̄ika'an ra, ta xí'in nduch̄u noo ndi x̄ini ndi ra, ta ch̄inoó nda'a ndi soko ra. Ta vitin ndáto'on ndi xí'in ndó xa'a tayó'o, taa ta kúu To'on Ndios, ta kúu ra ndee ña táxi kutaku ndino'o n̄ivi. ² Taa yó'o, ta ndixa ndino'o táku, k̄ixaa ra noo ndi, ta x̄ini ndi ra xí'in nduch̄u noo ndi, ta vitin ndákuiin ndi xa'a ra noo ndó. Ta ndáto'on ndi xí'in ndó ndí m̄i tayó'o kúu ra ndee ña táxi kutaku ndino'o n̄ivi noo Ndios, ta tayó'o nda si'na xa táku ra xí'in Ndios, ta saá Ndios ti'ví ra m̄i tayó'o ña k̄ixaa ra noo ndi ñoyívi yó'o. ³ Ta vitin ndáto'on ndi xí'in ndó xa'a ña xa x̄ini ndi, ta xa'a to'on ña n̄ika'an ra ña x̄ini so'o ndi. Ta saá ndó'ó, n̄ivi na kándixa to'on yó'o, ñii káchí vivíi kutaku ndó xí'in ndi, ndatán ñii k̄i'va vivíi táku ndi xí'in Yivá yó Ndios ta xí'in Sa'ya ra Jesucristo. ⁴ Ta saá taa ndi tutu yó'o ña kundaa ini ndó ta chikaa so'o ndó to'on yó'o. Ta xí'in ña ke'é ndó saá ndixa ná kutú ndaa ñasii ini ndi'i yó.

Tɔ'on yó'o ká'an ña, ndatán yóo ño'ɔ ña yé'e, saá yóo Ndios

⁵ Ñayó'o kúu tɔ'on ña ñika'an Jesucristo xini sɔ'o ndi, ta vitin ndátɔ'on ndi tɔ'on yó'o xí'in ndó, ña káchí saá: Ndatán yóo ño'ɔ ña yé'e, saá yóo Ndios, ta nda lo'o ɔn koó ñanaa yóo xí'in ra. ⁶ Táná ka'an yó ndixa vivii táku yó xí'in Ndios, ta saá ni, ndíkɔn ka yó ku'a'an yó yichi ɔn vá'a ña naa ní, ta ñavatá kúu ña ka'an yó saá, ta ɔn vása kisa ndivi yó ñanda'a. ⁷ Yichi Ndios kúu ñava'a ñanda'a noo yé'e ño'ɔ ña káku noo ra. Ta saá tá vivii ndíkɔn yó yichi Ndios noo yé'e ño'ɔ ña káku noo ra, ta saá ndixa vivii táku yó xí'in tá'an yó, ta ndixa ñii Jesucristo nákata ña ndi'i kuachi yó.

⁸ Táná ka'an yó ndí nda lo'o ɔn koó kuachi ndiso yó noo Ndios, ta saá ñivi na sándá'ví xí'in mii kúu yó, chi ñavatá kúu ña ka'an yó saá, ta ndixa ɔn koó ñanda'a yóo ini yó. ⁹ Ta saá ni, tá na'ma yó ndi'i kuachi yó noo Ndios, ta ndixa Ndios kasa ká'no ini ra xa'a kuachi yó, ta nakata ra ndi'i kuachi yó, ta ndasa ndii ra mii yó noo ra. Ndixa Ndios ke'é ra saá xí'in yó, chi ta'a tãnda'a kúu Ndios ta ndixa kisa ndivi ra tɔ'on ra. ¹⁰ Ta saá ni, táná ka'an yó, káchí yó ndí nda ñii kivi ɔn vása ní-ke'é yó ña ɔn vá'a, ta xí'in tɔ'on yó'o chíka'a yó kuachi sata Ndios ndí kúu ra ta'a ta vatá. Saá chi mii Ndios káchí ra ndí ndi'i ñivi ké'é na ña ɔn vá'a. Tá ɔn vása kãndixa yó tɔ'on yó'o ña ká'an Ndios xa'a yó, ta xí'in ñayó'o sáná'a yó ndí ɔn koó tɔ'on Ndios táku ini yó.

2

Tò'on yó'o ká'an ndí Jesucristo chindeé ra mii yó ña náki'in ra tò'on yó noo Ndios

¹ Ndó'ó, ñivi na kándixa Jesucristo, ndatán yóo sa'ya_i, saá yóo ndó, saá chi kí'vi ní ini_i xini_i ndó'ó. Ta táa_i tutu yó'o xa_a ña nda'a ndó xa'a ña on ke'é ndó ña on vá'a. Ta saá ni, tá yóo kivi_i ké'é ndó ña on vá'a, ta xini_i ñó'ó kunda_a ini ndó ndí yóo ñii ta_a ta chindeé mii yó ña náki'in ra tò'on yó noo Yivá yó Ndios, ta tayó'o kúu Jesucristo, ta ta_a ta_a. ² Saá chi Jesucristo kúu ta_a ta_a ñisoko xí'in mii ña ñixi'i ra xa'a kuachi yó, ñakán Ndios kúchiño kasa ká'no ini ra xa'a kuachi yó. Ta on sivi ndasaá xa'a kuachi mii yó kúu ña ñixi'i Jesucristo, ta xa'a kuachi ndi'i saá ñivi ñoyívi yó'o ñixi'i ra.

³ Tá kisa ndivi yó ña xá'nda chiño Ndios noo yó, ta xí'in ña ké'é yó saá kúnda_a ini yó ndí ndixa xini_i yó Ndios, ta vivii táku yó xí'in ra. ⁴ Tá nakuita ñivi na ka'an, kachí na saá: “Ndi'i xini_i ndi Ndios, ta vivii táku ndi xí'in ra”, kachí na, ta ñivi yó'o, tá on vása kisa ndivi na ña xá'nda chiño Ndios, ta saá ñivi na vatá kúu nayó'o, ta nda lo'o on koó ñanda_a yóo ini na. ⁵ Ta saá ni, tá yóo ñivi na kisa ndivi ña ká'an tò'on Ndios, ta xí'in ñayó'o ñivi yó'o sáná'a na ndí ndixa nda_a kí'vi ini na xini na Ndios. Ta mii yó, xa'a ña kisa ndivi yó ña ká'an Ndios, kúnda_a ini yó ndí ñii yóo yó xí'in Ndios. ⁶ Tá káchí yó ñii yóo yó táku yó ini Ndios, ta saá xini_i ñó'ó ke'é yó ndatán ke'é Jesucristo kivi_i ñixika ra ñoyívi yó'o.

Tɔ'on yó'o kúu ña xá'nda chiño noq ñivi na kándixa Jesucristo

⁷ Nañani yó xí'in náki'va yó, ɔn sivi ñii tɔ'on ña xaá kúu ña xá'nda chiño i noq ndó vitin, chi tɔ'on Ndios ña xa si'na yóo nda kivi noq kúu ña. Ta tɔ'on yó'o ñii kúu ña xí'in tɔ'on ña yata ña xa xini so'o ndó. ⁸ Tɔ'on ña yata kúu ña xá'nda chiño i vitin noq ndó, ña xini ñó'ó kuki'vi ini yó koni tá'an yó. Ta saá ni, tɔ'on xaá kúu ñayó'o, chi ñii laá Jesucristo kúu ta ndixa ndaa kisa ndivi tɔ'on yó'o. Ta vitin ndó'ó, ñivi na ndikɔn yichi ra, ñii ki'va saá ndixa kisa ndivi ndó tɔ'on xaá yó'o. Ta vitin ndee ña ɔn vá'a ña naa, kuá'an ndi'i xa'a ña, saá chi kivi kixaa Jesucristo ñoyivi yó'o, ta ndatán yóo ña kixaa ño'o ndino'o ña yé'e, ta kúndeé ña noq naa, saá yóo ña.

⁹ Tá yóo ñivi na ká'an, káchí na ndí ndikɔn na yichi va'a noq yé'e ño'o, ta ñivi yó'o sáa ini na xini na natá'an na, ta saá ñavatá kúu tɔ'on ña ká'an na, chi ña sáa ini na xini na natá'an na sáná'a ña ndí ndikɔn ka na yichi ɔn vá'a noq naa ní. ¹⁰ Ta ñivi na ndixa kí'vi ini xini natá'an na, ta ñivi yó'o kúu na ndikɔn yichi va'a noq yóo ño'o yé'e. Ta ñivi yó'o, ɔn vása yóo ini na ña sanakava xí'in mji na ña ke'é na ña ɔn vá'a. ¹¹ Ta ñivi na sáa ini xini inká ñivi na kándixa Jesucristo, ñivi yó'o, xí'in ña ké'é na saá sáná'a na ndí xika ka na yichi ɔn vá'a noq naa. Ta saá ñivi yó'o ɔn vása xini na ndá yichi kuá'an na, saá chi ñanaa sakuáa ña nduchu noq na.

¹² Ta ndó'ó, ñivi na kándixa Jesucristo, ndatán yóo sa'ya i, saá yóo ndó, ta táa i tutu yó'o xaa ña nda'a ndó, chi Ndios xa kisa ká'no ini ra

xa'a kuachi ndó, saá chi Jesucristo n̄ixi'i ra xa'a kuachi yó. ¹³ Ta ndó'ó, n̄ivi na kándixa Jesucristo, na kúu n̄ivi naxikua'a na to'ó, táa i tutu yó'o xaá ña nda'a ndó, chi xa xini va'a ndó Jesucristo, ɬa ɬa xa táku nda si'na ka tá ɬa'an kixá'á koo kivi noo ñoyivi. Ta ndó'ó, nataa xí'in náña'a na kúu nakuáchí na kándixa Jesucristo, táa i tutu yó'o xaá ña nda'a ndó, chi xa kündeé ndó noo ñaním̄a ndiva'a.

Ndi'i ndó'ó na kúu n̄ivi na kándixa Jesucristo, ink̄a yichi ká'an i ndí ndatán yóo sa'ya i, saá yóo ndó, ta táa i tutu yó'o xaá ña nda'a ndó, chi xa xini va'a ndó Yivá yó Ndios. ¹⁴ Ta ndó'ó, n̄ivi na kándixa Jesucristo, na kúu n̄ivi naxikua'a na to'ó, táa i to'on yó'o ña ndato'on i xí'in ndó, chi xa xini va'a ndó Jesucristo, ɬa ɬa xa táku nda si'na ka tá on ɬa'an kixá'á koo kivi noo ñoyivi. Ta ndó'ó, na kándixa Jesucristo, na kúu nakuáchí, tuku táa i to'on yó'o ña ndato'on i xí'in ndó, chi ndó'ó kúu n̄ivi na kómí ní ndee Ndios, ta ndi'i saá kivi to'on Ndios yóo ña táku ña ini ndó, ta saá xa kündeé ndó noo ñaním̄a ndiva'a.

¹⁵ Xí'in ndi'i ndó'ó, na kúu n̄ivi na kándixa Jesucristo, táa i to'on ña xaá nda'a ndó, ña ndato'on i, káchí i saá: On kusii ini ndó kundik̄on ndó yichi on vá'a ñoyivi yó'o, ta nda lo'o on kuki'vi ini ndó koni ndó ña on vá'a ña yóo ñoyivi yó'o. Saá chi ndi'i n̄ivi na kí'vi ní ka ini xini na ña yóo ñoyivi yó'o, n̄ivi yó'o on vása kí'vi ini na xini na Yivá yó Ndios. ¹⁶ Chi ndi'i ña on vá'a ña yóo ñoyivi yó'o on sivi ña káku noo Ndios kúu ña, ta kuiti káku ña noo ñaním̄a ndiva'a ña xá'nda chiño noo ñoyivi yó'o. Tá kóni

yó ke'é yó ña ɔn vá'a ña kútoo ní yíkí koñu yó, án kóni yó kukomí yó ndi'i ña kúsiɔ ini nduchu noo yó xíni ña, ta ña kóni yó saá ɔn sɔví ña vaxi noo Yivá yó Ndios kúu ña. Tá nɔvi na ña'a ní ini kúu yó xa'a ñakuíká kómí yó án xa'a chiño ná'no ké'é yó, ta ña ña'a ini yó saá, ɔn sɔví ña vaxi noo Yivá yó Ndios kúu ña. Saá chi ña xáni sɔni yó saá kuiti káku ña noo yichɔ ɔn vá'a ñoyívi yó'o. ¹⁷ Ta ñoyívi yó'o xí'in ndi'i ña ɔn vá'a ña kútoo ní nɔvi, ña yá'a kuá'an kúu ña, ta kixaa ñii kɔvi ɔn kóo ka ña. Ta saá ni, nɔvi na kisa ndivi ña kóni Ndios, nɔvi yó'o ɔn ndi'i xa'a na, ta ndixa kutaku na ndi'i saá kɔvi.

To'on yó'o ká'an xa'a ta ta sáa ini xíni Jesucristo

¹⁸ Ndó'ó, nɔvi na kándixa Jesucristo, ndátan yóo sa'yaɔ, saá yóo ndó, ta ndát'oni xí'in ndó ndí xa vaxi kuyatin kɔvi sondí'í ñoyívi yó'o. Xa xɔni so'o ndó tá vaxi kuyatin kɔvi sondí'í, ta nakundichi ñii ta ta kúu ta sáa ní ini xíni ra Jesucristo, ta vitin xa yóo kuá'a ní nɔvi na kúu na sáa ini xíni na Jesucristo. Ta xí'in ñayó'o kúndaɔ ini yó ndí xa yatin vaxi kɔvi sondí'í ñoyívi yó'o. ¹⁹ Vará sava nɔvi na kúu na sáa ini xíni na Jesucristo vitin, xikuu nɔvi na si'na ñii xitaku xí'in yó, ta nɔvi yó'o ɔn sɔví na ndixa kándixa Jesucristo xikuu na. Ta saá nɔta'vi tá'an na xí'in mɔi yó, ta kee na kuá'an na. Ta xí'in ñayó'o kúndaɔ va'a ini yó ndí nɔvi yó'o nda ñii kɔvi ɔn vása ní-xiyo yu'ú na xí'in mɔi yó, chi ɔn vása ndino'o ini na kándixa na Jesucristo. Tá ndixa nɔvi na ndino'o ini kándixa Jesucristo xikuu na,

níkúu, ta yóo ká na kuá'án na yichí ra xí'in yó vitin. Ta xa'a ña ñita'vi tá'an na xí'in yó, na kúu ñivi na ndixa ndíkon Jesucristo, kúndaá ini yó ndí ñivi yó'o ndá lo'o on vása ní-xikuu na nañani yó án náki'va yó.

²⁰ Ta ndó'ó, on sivi ndatán yóo ñivi yó'o yóo ndó. Saá chi Jesucristo, Taa taYii, ti'vi ra Níma Ndios ña kutaku ña ini ndó. Ta xa'a ña táku Níma Ndios ini ndó, xa xini ndó ndi'i ñandaá.

²¹ Ta xa'a ña kúndaá ini i ndí xa xini ndó ñandaá, táa i to'on yó'o xaá ña nda'a ndó. Saá chi mji yó kúndaá ini yó ndí ndá ñii to'on ña vatá on vása káku ña noo Ndios, taa ta kúu tãndaá ndino'o.

²² Ta, ¿yu kúu ñivi na vatá ní? Ñivi na vatá ní kúu na ká'án, káchí na ndí on sivi taJesús kúu Cristo, taa ta ti'vi Ndios sakaku ra ñivi ñoyívi yó'o. Ñivi na káchí saá kúu ñivi na sáa ini xini na Jesucristo. Ta ñivi yó'o kúu ñivi na on xiin kandixa Ndios, ni on xiin na kandixa na Sa'ya ra Jesucristo. ²³ Tá yóo ñivi na on xiin kandixa Sa'ya Ndios, ñayó'o kóni káchí ña ndí on xiin na kandixa na mji Ndios. Ta ñivi na ndino'o ini ká'án ndát'o'on na ndí kándixa na Sa'ya Ndios, ta ñivi yó'o kúu na táku Ndios ini.

²⁴ Ta ndó'ó, on sandakoo ndó kándixa ndó to'on va'a xa'a Jesucristo, ña kúu ña xini so'o ndó ndá kivi noo ña kixá'á ndó kándixa ndó ra. Ta xí'in ña ke'é ndó saá, ndi'i saá kivi yóo ndó táku ndó ini Jesucristo, taa ta kúu Sa'ya Ndios, ta ñii ki'va saá yóo ndó táku ndó ini Yivá yó Ndios.

²⁵ Jesucristo ñika'án ra, kindoo ra xí'in yó, na kúu ñivi na kándixa ña'á, ta ñika'án ra, káchí ra saá: “Nda'a ñivi na kándixa yi'i taxi i ña ndixa

ndino'o kutaku na xí'in i ndi'i saá kivi", saá káchí Jesucristo, kindoo ra xí'in yó.

²⁶ Taa i to'on yó'o ña ndato'on i xí'in ndó xa'a nivi na kóni sandá'ví ndó'ó xí'in to'on vatá.

²⁷ Jesucristo xa ti'ví ra Níma Ndios ña koo ña xí'in ndó, ta Níma yó'o yóo ña táku ña ini ndó ndi'i saá kivi. Ta saá on vása xini ñó'ó ndó nivi ña saná'a na ndó'ó, chi Níma Ndios sáná'a ña ndó'ó xa'a ndi'i ñanda. Ta ndi'i ña sáná'a Níma Ndios kúu to'on ña ndaa ndino'o, ta nda lo'o on koó ñavatá ká'an Níma Ndios. Ta ndi'i saá kivi xini ñó'ó koo ndó kutaku ndó ini Jesucristo. Ta ñii ki'va ndatan Níma Ndios sáná'a ña ndó'ó ndasaá kutaku ndó, ta saá xini ñó'ó va'a kutaku ndó.

²⁸ Ndó'ó, nivi na kándixa Jesucristo, ndatan yóo sa'ya i, saá yóo ndó, ta ndato'on i xí'in ndó ña koo ndó kutaku ndó ini Jesucristo, ta nda ñii kivi on sandakoo ndó yichi ra. Ta saá tá kixaa kivi ndikó ra ñoyívi yó'o, ta on vása kuyi'ví ndó noo ra, ni on vása kuka'an noo ndó kuita ndó noo ra. ²⁹ Xini yó Jesucristo kúu ñii ta ndaa ndino'o, ta saá kúnda ini yó ndí ndi'i nivi na ké'é ñanda ndatan yóo ña ké'é Jesucristo, nayó'o kúu nasá'ya ndino'o Ndios.

3

*To'on yó'o ká'an ndí sa'ya Ndios
kúu nivi na ndikon yichi ra*

¹ iNdachun ndeé ní kí'vi ini Yivá yó Ndios xini ra mii yó! Saá chi sákunaní ra yó sa'ya mii ra. Ta, jndixa sa'ya Ndios kúu mii yó! Ta nivi na ndikon yichi on vá'a ñoyívi yó'o, on vása nákoní na ndí

sa'ya Ndios kúu yó, chi n̄ivi yó'o ɔn vása xín̄i na Ndios. ² Nañani yó xí'in náki'va yó, n̄ivi na kí'vi ní inīi xín̄i kúu ndó, ta ndátò'on̄i xí'in ndó ndí m̄ii yó kúu sa'ya Ndios vitin. Ta saá ni, ɔn ta'án kundaā va'a ini yó ndasaá nduu yó kivīi ña vaxi ña kutaku yó ñoyívi n̄ino xí'in Ndios. Ta vitin kundaā ini yó ndí kivīi ndikó Jesucristo ñoyívi yó'o, ta m̄ii yó, n̄ivi na kándixa ña'á, nduu yó ndatán yóo ra. Saá chi xí'in nduchū noo yó koni yó ra. Ndatán m̄ii káa ra, saá ndixa koni ndino'o yó ra. ³ Ta ndi'i n̄ivi na kúsiīi ini ndáti ña ndikó Jesucristo, chi ndáa ini na ndí kivīi saá kundivi ña ndáti na, n̄ivi yó'o chíkaa na ndee xí'in m̄ii na ña nduu na n̄ivi na ɔn koó kuachi kuiso noo Ndios. Ta xa'a ña ndíkɔn na Jesucristo kúu ña ké'é na saá, chi Jesucristo kúu ta ta ndii ndino'o.

⁴ Ndi'i n̄ivi na ké'é ña ɔn vá'a kúu n̄ivi na yá'a ndoso noo ndayí Ndios ta ndiso na kuachi noo ra. Saá chi ndi'i noo ña ɔn vá'a ké'é n̄ivi kúu ña yá'a ndoso ndayí Ndios. ⁵ Xa xín̄i ndó ña kixaa Jesucristo ñoyívi yó'o kúu xa'a ña kindaa ra kuachi ña ndiso n̄ivi. Ta nda lo'o ɔn koó kuachi ndiso Jesucristo, ta ta ndii ndino'o kúu ra. ⁶ Ta saá n̄ivi na ndixa ndíkɔn Jesucristo, tá ñii táku na xí'in ra, ta n̄ivi yó'o ɔn vása ndíkɔn na yich̄i noo ké'é na ña ɔn vá'a. Ta n̄ivi na ndíkɔn yich̄i noo ké'é na ña ɔn vá'a, n̄ivi yó'o kúu n̄ivi na ɔn ta'án nakutá'an xí'in Jesucristo, ni ɔn ta'án koni na ra. ⁷ Nañani yó xí'in náki'va yó, ndatán yóo sa'ya m̄iīi, saá yóo ndó, ta ndátò'on̄i xí'in ndó ña ɔn taxi ndó ña sandá'ví n̄ivi ndó'ó xí'in to'on vatá ña ɔn vása yóo yu'ú xí'in to'on ña káchí saá: N̄ivi na kisa ndivi ñandaā kúu n̄ivi

nandaa. Ndatán yóo Jesucristo taɔ tãndaa, saá yóo ñivi yó'o, na kúu na kisa ndivi ñandaa. ⁸ Ta ñivi na on xiin sandakoo ke'é ña on vá'a kúu ñivi na ndíkõn yichì nõõ xá'nda chiño ñanímã ndivã'a, saá chi ndã kivi nõõ ñanímã ndivã'a on vása sãndakoo ña ké'é ña ndi'i saá nõõ ña on vá'a. Ta xã'ã ñayó'o Ndios tì'ví ra Jesucristo kixaa ra ñoyívi yó'o ña sandi'i ra xã'ã ndi'i chiño ña ké'é ñanímã ndivã'a yó'o.

⁹ Tá ndixa sã'ya Ndios kúu yó, ta saá on vása kuã'an kã yó yichì nõõ xá'nda chiño ña on vá'a nõõ yó, saá chi Ndios xa taxì ra Nímã ra ña táku ini yó, ta ndatán yóo ini Ndios saá yóo ini yó vitin. Ta xã'ã ñayó'o, on vása kúchiño yó kutaku yó ké'é yó ña on vá'a. Saá chi vitin táku yó ké'é yó ña kóni Ndios. ¹⁰ Ta kúchiño kundaa ini yó yu kúu sã'ya Ndios ta yu kúu sã'ya ñanímã ndivã'a. Saá chi ndi'i ñivi na on vása kisa ndivi ñandaa, nayó'o sánã'a na ndí on sivi sã'ya Ndios kúu na. Ta ndi'i ñivi na on vása kí'vi ini xini nañani na án náki'vã na, on sivi sã'ya Ndios kúu nayó'o.

¹¹ Ñayó'o kúu to'on Ndios ña xini so'o yó ndã kivi kixá'á yó kãndixa yó Jesucristo, to'on ña káchí saá: Kuki'vi ini yó koni tá'an yó, káchí ña.

¹² Ta on vá'a koo yó ndatán ñixiyo taCaín kuiya xina'á, chi tayó'o ñixika ra yichì ñanímã ndivã'a, ta xã'ni ra ñani ra. Ta, ¿ndachun xã'ni ra ñani ra? Ke'é ra saá xã'ã ña kisa kuíni ini ra xini ra ñani ra, chi ñani ra xitaku ra ké'é ra ñandaa nõõ Ndios, ta taCaín yó'o xitaku ra ké'é ra ña on vá'a.

¹³ Nañani yó xí'in náki'vã yó, ndó'ó kúu ñivi na táku ké'é ñandaa. Ta xã'ã ña ké'é ndó ñavã'a saá, ñivi na ndíkõn yichì on vá'a ñoyívi yó'o sãã

ini na xini na ndó'ó. Ta nda lo'o on naka'nda ini ndó koni ndó ña ké'é na saá. ¹⁴ Ta mji yó, nivi na kándixa Jesucristo, kúu yó nivi na kí'vi ini xini tá'an. Ta xí'in ña ké'é yó saá kúnda ini yó ndí ndixa sandakoo va'a yó yichi on vá'a ña salo'o sandi'i xa'a yó, níkúu, ta vitin ku'a'an yó yichi noo ndixa táku ndino'o yó noo Ndios. Ta ndi'i nivi na on vása kí'vi ini xini natá'an na, nivi yó'o, vará xika ka na ñoyívi yó'o, on vása táku na noo Ndios. ¹⁵ Ta ndi'i nivi na saá ini xini natá'an na, ta nivi yó'o ñii k'i'va kúu na xí'in nivi na xika xá'ni inká nivi. Ta xini yó ndí ndi'i nivi na xika xá'ni inká nivi, on sivi nivi na táku noo Ndios kúu nayó'o. ¹⁶ Xini ñó'ó kúnda ini yó xa'a ñava'a ke'é Jesucristo xa'a yó, chi taxi xí'in mji ra nixi'i ra xa'a kuachi yó. Ta ña ke'é ra saá táxi ña kúnda ini yó ndasaá xini ñó'ó ndixa kuki'vi ini yó koni yó ñañani yó xí'in náki'va yó. Ta saá mji yó nivi na ndikon yichi Jesucristo, ñii k'i'va ndatán kí'vi ini ra xini ra mji yó, saá xini ñó'ó kuki'vi ini yó koni tá'an yó, ta taxi xí'in mji yó ña chindeé tá'an yó tãda kivi yó xa'a ñañani yó xí'in náki'va yó. ¹⁷ Tá yóo natá'an yó na on koó ña xini ñó'ó ña kómí na, ta yóo sava mji yó na kómí ña xini ñó'ó natá'an yó yó'o, ta saá va'a taxi yó ña xini ñó'ó na nda'a na. Tá on vása ké'é yó saá, ta ñayó'o kóni kachí ña ndí on vása kí'vi ini yó xini yó natá'an yó yó'o, ndatán Ndios kí'vi ní ini ra xini ra mji yó. ¹⁸ Nañani yó xí'in náki'va yó, ndatán yóo sa'ya i yóo ndó, ta ndát'on i xí'in ndó ndí on vá'a kuiti ka'an yó kachí yó ndí kí'vi ini yó xini yó natá'an yó, chi xini ñó'ó kasa ndivi yó chiño ña sáná'a ndí ndixa kí'vi ini yó xini yó

na.

¹⁹ Tá xí'in ña ndixa kí'vi ini yó xíni yó natá'an yó, ta saá kúndaꝯ ini yó ndí ñivi na ndixa ndíkõn Ndios kúu yó, ta õn vása kúka'an nõõ yó nõõ ra, ta va'a yóo ini yó nõõ ra. ²⁰ Ta saá ni, tá nímꝯ yó chíkaꝯ ña kuꝯchi xa'a mji yó, ta saá xínj ñó'ó kúndaꝯ ini yó ndí ká'no ní ka yóo ini Ndios ña kasa ká'no ini ra xa'a yó, ta Ndios xínj va'a ra ndi'i ña yóo ini yó. ²¹ Ndó'ó kúu ñivi na kí'vi ní inij xínij, ta ndátõ'onj xí'in ndó, káchij saá: Tá nímꝯ yó õn vása chíkaꝯ ña kuꝯchi sata yó nõõ Ndios, ta saá õn vása kúka'an nõõ yó nõõ Ndios, ta xí'in ña ndino'o ini yó kuchiño yó ka'an yó xí'in ra. ²² Ta saá ndi'i ña ndúkú yó nõõ Ndios, taxi ra ña nda'a yó, saá chi kisa ndivi yó ña xá'nda chiño ra nõõ yó, ta ké'é yó chiño ña kúsij ini ra xíni ra. ²³ Ta ñayó'o kúu ña xá'nda chiño Ndios nõõ yó: Xínj ñó'ó kandixa yó Jesucristo, ta ta kúu Sa'ya Ndios, ta xínj ñó'ó kuki'vi ini yó koni yó natá'an yó, ñii kiva ndátan mji Jesucristo xa'nda chiño ra nõõ yó kivi ñixika ra ñoyívi yó'o. ²⁴ Ta ndi'i ñivi na kisa ndivi ña xá'nda chiño Ndios, ñivi yó'o táku na ini Ndios ta Ndios táku ra ini ñivi yó'o. Ta ndixa kúndaꝯ ini yó ndí táku Ndios ini yó chi taxi ra Nímꝯ ra nda'a yó, ta ndixa táku Nímꝯ ra ini yó.

4

To'on yó'o ndátõ'on ndasaá kúchiño nakoni yó Nímꝯ Ndios

¹ Nañani yó xí'in náki'va yó, ndó'ó kúu ñivi na kí'vi ní inij xínij, ta ndátõ'onj xí'in ndó ña õn kandixa ndó ndi'i ñivi na ká'an, káchí na saá:

“To'on ña taxi Níma Ndios kúu ña ká'an ndi”, káchí na. Ta xini ñó'ó koto ndoso ndó ñivi yó'o xa'a ña kundaꞗ ini ndó án ndixa Níma Ndios kúu ña taxi to'on ká'an na, chi yóo kuꞗ'a ní naprofeta vatá na xíka ñoyívi yó'o vitin. ² Ndátoto'on i xí'in ndó ndasaá kúchiño nakoni ndó tá ndixa Níma Ndios kúu ña taxi to'on ña ká'an ñivi yó'o. Tá ñivi yó'o ndákuijn na xa'a Jesucristo, káchí na saá: “Jesucristo, kixaa ra ñoyívi yó'o, ta xikuu ra ñivi ndino'o xí'in yíkí koñu ñii kiva ndátán yóo yíkí koñu mji yó”, káchí na, ta saá kundaꞗ ini yó ndí to'on ña ká'an na kúu ña taxi Níma Ndios nda'a na. ³ Ta ñivi na on xijn ka'an ndí Jesucristo xikuu ra ñivi ndino'o, ta xikomí ra yíkí koñu ndino'o, ñii kiva ndátán yóo yíkí koñu mji yó, ta ñivi yó'o on vása ká'an na to'on ña taxi Níma Ndios nda'a na. Ta ñivi yó'o ká'an na ndasaá kuiti to'on ña taxi níma ña sáa ini xini Jesucristo. Xa xini so'o ndó ndí ñii kivi kixaa níma yó'o, ña kúu ña sáa ini xini Jesucristo, ta vitin xa yóo ña, xíka ña ñoyívi yó'o.

⁴ Ta ndó'ó, ndátán yóo sa'ya i, saá yóo ndó, ta ndó'ó kúu ñivi na ndíkɔn Ndios. Ta xa kundeé ndó noꞗ naprofeta vatá, na on vása ká'an to'on Ndios. Ta mji ndó, xa'a ña táku Níma Ndios ini ndó, xa kundeé ndó noꞗ navatá yó'o, saá chi Níma Ndios kúu ña ndeé ní ka noꞗ ñanima ndiva'a ña xíka ñoyívi yó'o. ⁵ Naprofeta vatá kúu ñivi na ndíkɔn yichí on vá'a ñoyívi yó'o, ta ká'an na to'on ña taxi níma ña xá'nda chiño noꞗ yichí on vá'a yó'o. Ta saá ñivi na ndíkɔn yichí ñoyívi yó'o chíkaꞗ so'o na to'on vatá yó'o. ⁶ Ta mji yó, ñivi na ndíkɔn Ndios kúu yó, ta xa'a ñayó'o inka

n̄ivi na xa x̄in̄i va'a Ndios, nayó'o chíkaa so'o na to'on ña ká'an yó. Ta n̄ivi na on vása ndíkõn Ndios, n̄ivi yó'o on x̄in̄i na chikaa so'o na to'on ña ká'an yó. Ta x̄i'in ña ké'é n̄ivi saá, kúchiño yó kundaa ini yó án Ním̄a Ndios kúu ña táku ini n̄ivi yó'o, án ním̄a vatá kúu ña táku ini na.

To'on yó'o ká'an ndí Ndios kí'vi ní ini ra x̄ini ra n̄ivi

⁷ Nañani yó x̄i'in náki'va yó, kí'vi ní ini i x̄ini i ndó'ó, ta ndi'i m̄ii yó x̄in̄i ñó'ó kuki'vi ní ini yó koni tá'an yó, saá chi Ndios kúu ta ta táxi ndee nda'a yó ña ke'é yó saá. Ta ndi'i n̄ivi na kí'vi ini x̄ini natá'an na, n̄ivi yó'o ndixa kúu nasa'ya Ndios, ta kúu na n̄ivi na ndixa va'a x̄in̄i Ndios. ⁸ Ndi'i n̄ivi na on vása kí'vi ini x̄ini natá'an na, ta n̄ivi yó'o on vása x̄in̄i va'a na Ndios, chi ndixa ini Ndios chútú ña x̄i'in ña kí'vi ní ini ra x̄ini ra ndi'i n̄ivi. ⁹ Ta Ndios saná'a ra ndí ña ndixa ndaa ní kí'vi ini ra x̄ini ra ndi'i yó, chi t̄i'ví ra Sa'ya ra ta ñii laá noo ra, k̄ixaá ra ñoyívi yó'o, ta n̄ixi'i ra xa'a kuachi yó, ta xa'a ña ke'é ra saá kuchiño kutaku ndino'o yó ndi'i saá k̄ivi x̄i'in Ndios. ¹⁰ Vará kí'vi ní ini yó x̄ini yó Ndios, ta m̄ii yó on vása tónɗaa yó kundeé yó ña kuki'vi ini yó koni yó ra ñii k̄i'va ndatán Ndios kí'vi ní ini ra x̄ini ra m̄ii yó. Saá chi Ndios saná'a ra ndasaá ndee ní kí'vi ini ra x̄ini ra m̄ii yó, chi t̄i'ví ra Sa'ya ra Jesucristo k̄ixaá ra ñoyívi yó'o, ta n̄isokõ x̄i'in m̄ii ra xa'a kuachi yó.

¹¹ Nañani yó x̄i'in náki'va yó, xa'a ña kúndaa ini yó ndí Ndios kí'vi ní ini ra x̄ini ra m̄ii yó, ta saá m̄ii yó ndixa x̄in̄i ñó'ó kuki'vi ní ini yó

koni tá'an yó. ¹² Nda ñii ñivi on ta'an koni na Ndios xí'in nduchū ñoo na, ta saá ni, tá ndixa kí'vi ini yó xíni tá'an yó, ta saá Ndios yóo ra táku ra ini yó, ta xí'in ndee ra ñii ñii kivi mji yó va'a ka kuki'vi ini yó koni tá'an yó, nda tondaa yó kuki'vi ini yó koni tá'an yó, ndatán ñii kiva kí'vi ini Ndios xíni ra mji yó. ¹³ Ndixa Ndios xa taxi ra Níma ra yóo ña táku ña ini yó. Ta xí'in ña ke'é ra saá, kúndaā ini yó ndí yóo yó táku yó ini Ndios ta Ndios yóo ra táku ra ini yó. ¹⁴ Ta mji ndi, xí'in nduchū ñoo ndi xini ndi Jesucristo kivi ñixika ra ñoyivi yó'o, ñakán ká'an ndi ndakuijn ndi ñoo ndó ndí Jesucristo kúu Sa'ya Ndios, ta Ndios ti'vi ña'a ra kixaa ra ñoyivi yó'o xa'a ña sakaku ra ñivi ñoo ña on vá'a. ¹⁵ Ta ndi'i ñivi na ndino'o ini ká'an ña kándixa na ndí Jesucristo kúu Sa'ya Ndios, Ndios yóo ra táku ra ini ñivi yó'o, ta ñivi yó'o yóo na táku na ini Ndios.

¹⁶ Xini va'a yó ta kúndaā ini yó ndí ndixa kí'vi ini Ndios xíni ra mji yó, saá chi ini Ndios chútú ña xí'in ña kí'vi ndino'o ini ra xíni ra ndi'i ñivi. Ta ndi'i ñivi na ñii ñii kivi táku na xí'in ña kí'vi ini na xíni na Ndios, ta xí'in ña kí'vi ini na xíni na natá'an na, ta ñivi yó'o, kúu ñivi na yóo táku ini Ndios, ta Ndios yóo ra táku ra ini ñivi yó'o. ¹⁷ Ta xí'in ña yóo Ndios táku ra ini yó, tondaa yó kuki'vi ndino'o ini yó koni yó ra, ta saá tuku tondaa yó kuki'vi ndino'o ini yó koni yó natá'an yó. Ta ña táku yó saá, sáná'a yó ndí táku yó ndatán xitaku Jesucristo ñoyivi yó'o. Ta xa'a ña táku yó saá on kuyi'vi yó kuita yó ñoo Ndios kivi ña kasa nani ra xa'a kuachi ñivi. ¹⁸ Tá ndixa kúndaā ini yó ndí Ndios kí'vi ní ini ra xíni ra mji

yó, ta tá kí'vi ní ini yó xíni yó Ndios, ta tá kí'vi ní ini yó xíni yó natá'an yó, ta ña ké'é yó saá ɔn taxi ña kuyi'ví ini yó ɔo Ndios. Saá chi ña yí'ví ini ɔivi ɔo Ndios, káku ña ɔo ña yí'ví ini na ɔo ña saxo'vi ra na xa'a kuachi na. Ta saá tá yí'ví ini yó ɔo Ndios, ta kóni kachí ñayó'o ndí ɔn ta'án tondaa yó kuki'vi ini yó koni yó natá'an yó ñii k'i'va ndatán kí'vi ini Ndios xíni ra m̄i yó.

¹⁹ Vitin kí'vi ini yó xíni yó Ndios chi Ndios kúu ɔa ɔa si'na kixá'á kí'vi ini xíni ra m̄i yó. ²⁰ Tá yóo ñii ɔivi, ká'an na káchí na saá: “Yí'í kí'vi ini ɔ xíni ɔ Ndios”, ta saá ni, ɔivi yó'o sáa ini na xíni na natá'an na, ta ɔn sivi ñandaa kúu ña káchí nayó'o ña kí'vi ini na xíni na Ndios. Saá chi tá ɔn vása kí'vi ini yó xíni yó ɔivi na va'a xito yó xí'in nduchú ɔo yó, ta saá ɔn vása kúchiño yó kuki'vi ini yó koni yó Ndios, ɔa ɔa ɔn vása xito yó xí'in nduchú ɔo yó. ²¹ M̄i Jesucristo xa'nda chiño ra ɔo yó, káchí ra saá: “Ndi'i ɔivi na kí'vi ini xíni na Ndios, ɔivi yó'o xín̄i ñó'ó kuki'vi ini na koni na natá'an na”, káchí ra.

5

To'on yó'o ká'an ndí ɔivi na ndikɔn taJesús kúndeé na ɔo yichi ɔn vá'a ñoyívi yó'o

¹ Ndi'i ɔivi na kándixa ndí taJesús kúu Cristo, ɔa ɔa ti'ví Ndios sakaku ra m̄i yó, ta ɔivi yó'o kúu sa'ya ndino'o Ndios. Ta ndi'i ɔivi na ndixa kí'vi ini xíni na Yivá yó Ndios, ta ɔivi yó'o, saá tuku kí'vi ini na xíni na ɔivi na kúu sa'ya ra. ² Tá kí'vi ini yó xíni yó Ndios ta kása ndivi yó ña xa'nda chiño ra ɔo yó, ta xí'in ña ké'é yó saá,

kúndaꝯ ini yó ndí ndixa kí'vi ini yó xíni yó n̄ivi na ñii kúu sa'ya Ndios xí'in yó. ³ Tá ndixa kisa ndivi yó ña xá'nda chiño Ndios noꝯ yó, ta xí'in ñayó'o sáná'a yó ndí ndixa ndino'o kí'vi ini yó xíni yó ra. Ta ndi'i ña xá'nda chiño Ndios noꝯ yó ɔn vása yɔ'vi ní kasa ndivi yó ña. ⁴ Saá chi ndi'i m̄ii yó, n̄ivi na kúu sa'ya Ndios, ndixa kúndeé yó noꝯ yich̄i ɔn vá'a ñoyívi yó'o. Xa'a ña kándixa yó Jesucristo, kómí yó ndee ña kúndeé yó noꝯ yich̄i ɔn vá'a. ⁵ Saá chi n̄ivi na kándixa Jesucristo kúu Sa'ya Ndios, ndasaá kuiti n̄ivi yó'o kúu n̄ivi na kúndeé noꝯ yich̄i ɔn vá'a ñoyívi yó'o.

To'on yó'o ká'an ndí yóo un̄i ña ndákuiin xa'a Jesucristo

⁶ Jesucristo k̄ixaꝯ ra ñoyívi yó'o, ta yóo un̄i ña táxi kúndaꝯ ini yó yu kúu ra. Saá chi yóo takuií tá ch̄ichi Jesucristo, ta yóo n̄ii Jesucristo ña n̄ix̄ita, ta yóo Níma Ndios ña ndákuiin xa'a Jesucristo, ta Níma Ndios kúu ña ká'an to'on ndaꝯ ndino'o. ⁷ Ta saá yóo un̄i ña ndákuiin xa'a Jesucristo ñoyívi n̄ino, ta ñii ña kúu Yivá yó Ndios, ta ink̄a ña kúu To'on Ndios, ta ink̄a ña kúu Níma Ndios, ta ña un̄i yó'o ñii laá kúu ña. ⁸ Ta yóo un̄i ña ndákuiin xa'a Jesucristo ñoyívi yó'o, ta ñii ña kúu Níma Ndios, ta ink̄a ña kúu takuií tá ch̄ichi Jesucristo, ta ink̄a ña kúu n̄ii ña kee yikí koñu Jesucristo k̄ivi n̄ix̄i'i ra nda'a tón cruz. Ta un̄i ñayó'o ñii yóo yu'ú ña. ⁹ M̄ii yó kándixa yó to'on ña ká'an n̄ivi xí'in yó, ta ña ndáya'ví ní ka kúu to'on ña ká'an Ndios. Saá chi m̄ii Ndios kúu taꝯ ta ndákuiin xa'a Sa'ya ra Jesucristo. ¹⁰ Ta ndi'i n̄ivi na kándixa Jesucristo

ṭaa ṭa kúu Sa'ya Ndios, ta ini ñii ñii nivi yó'o yóo ṭo'on ña ndákuiin xa'a ra. Ta nivi na on vása kándixa ṭo'on ña ká'an Ndios xa'a Jesucristo, nivi yó'o kóni kachí na ndí Ndios kúu ṭaa ṭa vatá, chi on xiin na kandixa na ndí ṭo'on ña ká'an Ndios xa'a Sa'ya ra kúu ñandaḡ. ¹¹ Ṭo'on ña ndákuiin Ndios kúu ña káchí saá: Ndios xa ṭaxi ra ña ndino'o kutaku yó xí'in ra ndi'i saá kivi ña vaxi. Ke'é ra saá xí'in yó chi kándixa yó Sa'ya ra Jesucristo, ṭaa ṭa táku ndino'o, ta ñii yóo yó xí'in ra. ¹² Ndi'i nivi na táku Jesucristo ini, nayó'o kúu na táku ndino'o noo Ndios. Ta nivi na on vása táku Jesucristo ini, nayó'o on vása táku na noo Ndios.

Ṭo'on yó'o ká'an ña ndí nivi na kándixa Jesucristo kutaku ndino'o na ndi'i saá kivi

¹³ Táa i tutu yó'o ña xaḡ ña nda'a ndó, na kúu nivi na kándixa Jesucristo, ṭaa ṭa kúu Sa'ya Ndios, chi kóni i ña kundḡ ini ndó ndí ndixa xa táku ndino'o ndó noo Ndios, ta kutaku ndó xí'in ra ndi'i saá kivi ña vaxi.

¹⁴ Ta mji yó, nivi na kándixa Jesucristo, ndino'o ndáa ini yó ña Ndios ndixa xini so'o ra ndi'i ña ndúkú yó noo ra. Tá ña ndúkú yó noo Ndios kúu ñava'a, ña ñii kúu xí'in ña kóni mji ra, ta saá ndixa chíkaḡ so'o ra ṭo'on ká'an yó xí'in ra. ¹⁵ Ndixa kúndaḡ ini yó ndí Ndios xini so'o ra ndi'i ña ndúkú yó noo ra, ta xa'a ñayó'o, ndáa ini yó ndí Ndios xa ṭaxi ra nda'a yó ña kúu ña ndúkú yó noo ra.

¹⁶ Tá xito yó ñii natá'an yó na kándixa Jesucristo ké'é na ña on vá'a, ta saá va'a ná ndukú

yó ɲoɲ Ndios x̣a'a na. Ta saá Ndios kúchiño kasa ká'no ini ra x̣a'a nayó'o, ta taxi ra ña va'a nakutá'an tuku na xí'in ra. To'on yó'o ká'an̄i x̣a'a ɲivi na ɔn vása ní-ki'vi kuachi ndeé ña sandi'i x̣a'a na ɲoɲ Ndios. Saá chi ndixa yóo kuachi ndeé ní ña sandi'i x̣a'a ɲivi ɲoɲ Ndios, ta ɔn vása ká'an̄i ña ndukú yó ɲoɲ Ndios ña kasa ká'no ini ra x̣a'a kuachi yó'o. ¹⁷ Ndi'i saá ɲoɲ ña ɔn vá'a ké'é ɲivi, ñayó'o kúu kuachi ɲoɲ Ndios. Ta saá ni, ɔn s̄iví ndi'i ña ɔn vá'a ké'é ɲivi kúu kuachi ña sandi'i x̣a'a na ɲoɲ Ndios.

¹⁸ Ta m̄i yó, ɲivi na ndixa ndíkɔn Ndios, ɔn vása táku k̄a yó ké'é yó ña ɔn vá'a. Saá chi Jesucristo, t̄a t̄a kúu S̄a'ya Ndios ndáa ra m̄i yó, ɲivi na kándixa ña'á, ta saá ñaním̄a ndiva'a ɔn vása kúchiño k̄a ña sandá'ví ña m̄i yó.

¹⁹ Xín̄i yó ndí s̄a'ya Ndios kúu m̄i yó, ta táku yó t̄ixin ndeé ra. Ta ɲivi na ndíkɔn yich̄i ɔn vá'a ñoyívi yó'o, nayó'o táku na t̄ixin ndeé ñaním̄a ndiva'a ká'no.

²⁰ Xín̄i yó ndí k̄ixā Jesucristo S̄a'ya Ndios ñoyívi yó'o, ta xa taxi ra ña kon̄i va'a yó Ndios t̄a t̄a kúu t̄andāa ndino'o. Ta saá vitin táku yó ini S̄a'ya Ndios, t̄a kúu Jesucristo. Jesucristo kúu Ndios ndino'o, ta kúu ra t̄a t̄a ndino'o táku ndi'i saá k̄iv̄i. ²¹ Nañani yó xí'in náki'va yó, ndó'ó yóo ndó ndatán yóo s̄a'yā, ta ndátɔ'on̄i xí'in ndó to'on ña xín̄i ñó'ó ní, ña káchí saá: Kasa kuenda xí'in m̄i ndó ña ɔn kasa to'ó ndó, ni ɔn kasa ká'no ndó nd̄a ñii ñaídolo, ni nd̄a ñii ñaimagen, chi ndi'i ñayó'o kúu ndios vatá. Saá ná koo ña.

**Alcatlatzala Mixtec New Testament
Mixtec, Alcatlatzala: Alcatlatzala Mixtec New
Testament (New Testament+)**

copyright © 2019 Wycliffe Bible Translators, Inc.

Language: Mixtec, Alcatlatzala

Contributor: Wycliffe Bible Translators, Inc.

All rights reserved.

2020-11-11

PDF generated using Haiola and XeLaTeX on 21 Feb 2024 from source
files dated 29 Jan 2022

a74bfb3f-bd55-5ab9-983e-8d19de48c198